



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

XXXIV. Bischof Busso von Havelberg schenkt seinem Kanzler Stephan Plumperdump ein Haus zu Wittstock, im J. 1548.

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

XXXIV. Bischof Busso von Havelberg schenkt seinem Kanzler Stephan Plumperdum ein Haus zu Wittstock, im J. 1548.

Wyr Busso, van Gotts gnaden Bischoff zu havelbergk, bekennen etc., das wyr angesehen vndt erkandt haben die vilfaltige getrawe vnd willige Dienste, Iso der Achbar vnser Cantzler vnd lieber getrawer, steffan plumperdum, vns vnd vnserm stifte gethan vnd hinfurder wol thun kan, soll vnd will, — Jme, Christina seiner eheligen haufsrawen, vndt Jrer zweier leibes lehns erben — — das hawfs auff vnser freiheytt vor der Burck, zwischen Thomas heyneman vnd vnser Ziegeler hawferen gelegen, mith aller Zubehorung vnd gerechtigkeit, wie es In seinen scheiden gelegen, nichts aufgenommen, aufs genaden zugestalt vnd gegeben haben etc. — Gegeben zu wistogk, Nach Christi vnser hern geburt funff zehnhundert vnd Im acht vnde verzigsten Jhare, mantags nach Cantate.

Vnde wyr Petrus cunradi, Dechant, Conradus schalene, senior, vnd gantz Capittel der Thumkirchen Havelberg, Bekennen etc., das wyr auff gnediges ansinnen des hochwirdigen In godt vaters fursten vndt hern, hern Bussen, bischoffen zu havelbergk, vnser gnedigen fursten vndt herrn, alle vndt Itzliche obgeschriben stücke punct vnd artickell, wy die hirrhume vorleibt, consentiret, bewilliget vnde befulbortet haben etc. — gegeben Im Jare vnd tagen wy oblanth.

Aus dem alten Havelbergischen Lehnbuche.

XXXV. Schenkung eines Priesters zu St. Marien an die Kapelle St. Annen, v. J. 1548.

In den Namen des Heren Amen. Des Jhars nach seiner hilligen geborth funffzehen hundert vnd Achte vnd viertzigsten, Ist personlich erscheinen der Wirdiger Ern Joachim Rachow, Altariste vnd preister der Capellen Sancta Maria, belegen ahn dem kerckhaue der pffarkercken zu Wistogk, vndt hatt — vbergegeben den Ehrfamen Mathias Barnewitze vnd Achim Maefs, Itziger Zceit vorstender der Capellen Sancte Anne, belegen In der mauren zu Wistogk, vnd desselbigen Hospitals, alle Jar vff Joannis Babtisten tagk zu mitten Jme sommer, so betagt Ist, bei Simon Selle einen halben gulden muntze vor soes schock houetsumme, so Engel Mollers, itzgedachten Ern Joachim Rachowen Dienerjnne, Dem gotts hufe vor eine wonung, die sie Zceit Jhres lebens Jne hatt, Zinsfund schuldigg isth, welcher Zeinse sich die gedachten gottshaus lude von nu ahn Jres gefallens gebrucken vndt Jerlich Infordern mugen etc.

Nach dem Original.

XXXVI. Der Rath zu Wittstock nimmt einen evangelischen Prediger an im J. 1550.

Wir Burgermeister vndt Rathmanne der stadt Wittstock, Bekennen — dieweill vns von vnserm